



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvací, 1625

De domino Gerardo Sutphaniensi. VIII.

[urn:nbn:de:hbz:466:1-45790](#)

Iationibus hominum. Migrauit autem ab hoc seculo piissimus sacerdos anno Domini supra dicto in crastino S. Bartholomaei Apostoli, circa undecimam horam dici, ipso die S. Gregorij Episcopi Traiectensis. Sepultus est autem in coemeterio S. Walburgae virginis, apud collegium canonicorum in Sutphania.

VITA DOMINI GERARDI SVTPHANIENSIS.

1. **L**ibet iam deuoti & cruditi viri domini Gerardi de Sutphania virtutes breuiter indagare, & pro bono memoriali vita eius, exempla atque scripta futuræ generationi imitanda propōnere: qui inter primos fratres & diuinæ legis zelatores meruit præstantissimus nominari. Et licet breui vixerit tempore, gratissima tamen nobis reliquit doctrinæ monumenta. Erat enim studiosus valde in scripturis Sanctis, trahens etiam ex abditis sententijs doctrinæ varias aromatum species, contra vitiorum morbos, ad sanandum animarum languores: sicut præcipue patet in duobus libellis ab eo editis: quorum unus incipit: Homo quidam, & alius, Beatus vir intitulatur. Ab infantia namque & puerilibus annis, ad discendum inclinatus fuit; ingenio habilis, & ad artes auditus liberales: refugiens ex animo negotia secularia, & quæcunque poterant studium sapientiæ impedire.

2. Cumque adoleuisset bona indolis iuuenis, perrexit ad extraneas scholas melius imbuendus; ibique toto conamine satagebat bene frequentare, manè diluculò surgere, & ad audiendam lectionem tempestiuè properare. Omne tempus ad studendum breve ipsi videbatur, semper ex ore magistri aliquid vberioris scientia capere cupienti, quod armariolo pectoris sui tenacius inserebat. In tantum animus eius flagrabat in scientia proficere, ut vehementer tristaretur, quando in scholis non legebatur à magistris. Proinde quandoque flebat, quod diebus celebris lectio non fiebat: male contentus, quod dies sine fructu lectionis transiret. Longè namque distabat ingenua mens eius, à segnitie obtusorum & euagatione lasciuorum: qui per plateas currentes lusibus delectantur insanis, exhorrentes scholas, & ecclesiam raro visitantes. Hic vero pensabat ad quid venisset, & cur scholæ institutæ essent, ideo acriter studio incubuit: & tam sapienter profecit, ut de scholastico discipulo, æter-

næ sapientiæ discipulus postmodum fieri mereretur. Nam Deo disponente, tandem ad studium Dauentriense accessit: ibique inuentis deuotis fratribus, domino Florentino firmate adhæsit: & sufficienter iam edoctus, fragilem mundi statum p. o Christi amore & propria salute dereliquit.

3. Cœpit itaque conuersus diligenter emendationi insistere, & in spirituali fervore profectu, ac mente suam ab omnium temporalium rerum implicatione segregare; & tanquam bonus eremitarius cellam diligere, & ad interna exercitia se dare, tempus suum studendo & scribendo expendere; ita ut multi stuparentur, quia raro visus est egredi, & solatium foris non captaret. Habuit autem pro solatio maximo libros sanctos: & pro spatiamento campi, quæsivit sacra palatia cœli. Transiens vero ad ecclesiam, quasi sine aduentitia hominum pertransiit. Cumque interrogaretur, an non impediretur a transiuntibus secularibus, respondit: Cogito, quod grex porcorum illac transit. Quid ad me de statuta hominum? Sedens in camera sua ita intentus erat operi suo, scribendo, legendō, orando: quod sepe de tota die non aperuit fenestram, nec foras respiceret, licet aura satis serena fuisset. Dixit ergo ei quidam ex fratribus: Cur non aperis fenestram tuam? Tu sedes hic quasi in cauea clausus, bonum esset quod aliquam respirationem caperes. Respondit homo deditus studio disciplinae: Si possem vacare, & scire tantum præcogitare, forte bonum esset quod hoc facherem.

4. Quæsitus est ab eo, quid cogitaret, quando ad prandium pulsatum esset. Qui ait: Sicut ad vnum, sic ad reliquum opus vadit: Penè nihil curabat iste, quid comedeter, vel quando hora refectionis esset. Et cum necessitas ad comedendum urgeret, magis ad auditionem sacrae lectionis, quam ad reficiendum corpus festinanit. Fuit præterea incuriosus sui corporis, maiorem curam gerens de viribus animæ reparandis. Et nisi dominus Florentinus pro eius necessitatibus solicitus fuisset, citò scipsum destruxisset & defecisset. Hinc accidit quod occultum morbum (quem medici fistalam vocant) diu patienter portauit, nolens aliquos secum occupari, nec pro iis expensas fieri, sed dolores in corpore pro animæ remedio pati. Verum, ubi dominus Florentius hoc perceperit, medicum aduocauit, qui curam eius gereret, donec sanaretur. Erat autem armarius & custos librorum, magnam diligentiam habens pro libris colligendis & scribendis.

5. Et multis clericis extraneis sacros codices concessit, ut haberent in domibus suis & in scholis lectiones sacras, ad vitandum fabulas otiosas & vagos circuitus in festis, quibus præcipue admonentur clerici intendere diuinis. Et dicebat: Isti libri plus

plus prædican & docent, quām nos dicere possimus. Nam libri sacri sunt animarum nostrarum lumina & solatia, atque vera medicamina vir e: quibus non minus in hac peregrinatione carere possumus, q:ām ecclesiæ sacramentis. Diligebat autem sacræ Theologie libros, super omnes diuitias mundi; & plus gaudebat de bono codice bene scripto, quām de prandio lauto, & optimi saporis vino. Sciebat enim, quōd non erunt sapientes, qui delicas- tis ferculis & potibus delectantur. Qui verò studijs sacris dediti sunt, replebuntur sapientia, & cœlestibus secretis merentur ad- mitti. Igitur libros in maxima reverentia habuit, desideratissimè in eis legit, & subdiligenti custodia eos seruavit.

6. Plures etiam clerci ad eum pro diuersis casibus & dubijs soluendis veniebant, & libenter collationes eius audiebant, quia erat vir eloquens & doctiss., & in multis exercitationibus probatus, sciens quid vnicuique deberet respondere. Frequenter do- minus Florentius ipsum aduocauit pro negotijs domus disponen- dis, & præcipue cum eo tractabat de his, quæ iuris peritiam re- quirebant, & spiritualem causam expetere videbantur. Vnde si quid graue & arduum occurrisset, hoc declarationi & examini magistrorum, ubi oportuit, reseruauit; audiens reverenter docto- res, & sequens incunctanter sanctorum auctoritates, dicta sua testimonij sacris patenter affirmans. Quapropter à sapientibus & literatis viris, pro ingenio ipsi collato mirificè laudabatur, sed ipse pro nihilo duxit hominum laudes. Non enim eloquentia studuit esse sectator, sed bona conscientia observator. Itaque ad intelligentiam scripturarum, non tam longa exercitatio studij eum iuuit, quām Spiritus sancti informatio, qui intellectum dat parvulis, & mysteria sua revelat mentibus puris. Ad quam sane puritatem consequendam, omne exercitium suum direxit: incu- tiens timorem Dei nouiter conuersis, increpans torpentes, & ad mortificationem vitiorum exhortans in virtutibus proficere cu- pientes. Si, inquit, negligimus certare contra vitia, præualebunt passiones, & incidemus in laqueos diaboli, qui semper insidiatur protectui nostro. Idecirco laborandum est cum omni diligentia, ut viri literarum repugnemus, quia corona æternæ gloriæ vincentibus est promissa.

7. Postquam ergo illuminatus iste Sacerdos, humiliter & de- uotè inter fratres cum multa gratia conuersatus esset, & cū plures libros perlegisset: ante finem vitæ suæ, quasi nouiter conuersus, Speculum monachorum & Profectus religiosorum iterum lege- re coepit; in quibus spiritum devotionis studuit recolligere, & ad primitium feruorem se innonare. Nec diu superuixit tali profi- ciendi zelo accensus, sed memor domini Luberti defuncti, quem pluri-

plurimum dilexit, & in cuius obitu lachrymas multas fudit, ipsum in breui subsecutus est. Nam missus cum fratre Amilio ad Abbatem in Dickeninghe doctorem decretorum, cum quo sepius tractare de casibus iuris consuevit, reuertens de via Wyndesem venit: ibique pernoctando, infirmatus est usque ad mortem.

8. Cui Amilius inquit: Videtur mihi, quod mori properas. Ad quem ille: Hoc etiam videtur mihi. Itaque crescente aggritudine, in nocte sanctæ Barbaræ Virginis, quasi somno leui sopitus spiritum vitæ exhalauit, anno Domini millesimo trecentesimo nonagesimo octauo, ætatis suæ trigesimo primo. Cuius corpus à priore & fratribus digno cum honore, in transitu ante fores Ecclesiæ est sepultum. Audiens autem dominus Florentius obitum dilecti domini Gerardi, contristatus est valde. Et fleuit ipse, & omnes fratres eius cum eo fletu magno, charitate nimia compellente. Quia sublatus est ab eis frater charissimus, qui erat columna domus, & altera manus in negotijs pertractandis. Sed benedictus Deus, qui talem virum nobis habere concessit.

V I T A

D. AMILII BVRENSIS.

1. **N**unc dilecti, & Deo digni Sacerdotis domini Amilij, habenda est memoria, & huic chartulæ inserenda. Hic quidem successor reuerendi patris Domini Florentij, in regimine domus extitit secundus; ab ipso familiariter dilectus, & multis virtutum gemmulis insignitus. Fuit namque de partibus Gelriæ, in confinia Domini de Buren oriundus; & inter suos progenitores, de numero curialium curialis estimatus.

2. Cumque studij causa se Dauentriam applicui sset, vbi studium particolare tunc satis viguit, tanta diligentia in scholasticis artibus profecit, ut in breui inter primarios unus de doctoribus fieret, & magistro propter ingenij subtilitatem charitus placeret. Dei autem munere factum est, ut tale ingenium in seculari vita non periret; nec mundi honores per scientiam ambiret, sed omnia tanquam stercore refutaret. Preuentus ergo cœlesti gratia, & ab altilissimo inspiratus, accessit domum domini Florentij, & attractus est pietate sermonum eius: subdzens se consilio Spiritus sancti, per os reuerendi patris loquentis, qui ei monita dabat sapientiae salutaris. Igitur postpositis scholis, & amicis carnalibus derelictis, factus est humilis frater & Christi discipulus: atque suo exemplo in ictis profuit ad renunciandum in seculo, & seruendum Chri-

fto.

